

**05  
A  
1413**



Universitäts- und Landesbibliothek Sachsen-Anhalt

urn:nbn:de:gbv:3:1-608509-p0002-7

DFG

*IN NOMINE JESU!*

*De*  
**JESU CHRISTI  
RESURRECTIONE,**

*Ex Evang. Fer. I. Paschal.*

**P R A E S I D E,  
WILHELMO LYSERO,  
SS. Th. D. & P. P.**

*RESPONDENDE,*

**M. HIERONYMO ÆGIDIO  
NYMMANNO, Misn.**

*Disputatio publicè habebitur*

*in*

**Auditorio Magno,**

*ad d. 10. April. 1645*

---

**WITTENBERGÆ,**


**Typis & Impensis JOH. BORCKARDI, Acad. Typogr,**

*Anno 1686.*





OSA 143a



I. N. 3.

## ΠΡΟΟΙΜΙΟΝ.

Thesis I.

Ulm Regius Propheta *David* sive suam, quod *Musulo & Treveto*, sive populi sub Nabuchodonosore & Antiocho, quod plerisque aliis placet, calamitatem & miseriam considerasset, cum gravissimo symptomate sensus iræ divinæ, ut videretur furor Dei sine temperamento misericordiæ, sine ulla sinis spe sævire; humanam quidem agnoscit infirmitatem, illarum cogitationum causam, fidei tamen oculis elevatis, inque Deum directis exclamat, *mutationes* ( sunt ) *dextræ excelsi* *P/LXXVII.ii.* *עָלֵין שְׁנָנוֹת וּמִן שְׁנָנוֹת* die Rechte des Herrn kan alles andern / *שְׁנָנוֹת annos* reddunt, quos & vox illa sæpè significat, sensum planè hiulcum faciunt, ut aliis assumtis vocibus implendus sit: nos ergo aliorum explicationem approbamus, qui putant vel nomen esse *murationes*, principalem radicis significationem hic habens; vel infinitivum, *mutare est*, vel *convenit dextre altissimi*,) atque hanc ipsam felicem mutationem atque Catastrophen, illustri exemplo populi Israelitici, ex fornace ferrea servitutis Ægyptiacæ liberati, & translati in terram promissam luculentè demonstrat: ut ita evidens planè certa sit conclusio, *Mutationes sunt dexteræ Excelsi*.

2. Multo magis nos *Paschali* hoc die veritatem effati hujus experimur, meritoqve ingeminamus hodie cum gaudio, *Mutatio hæc dextræ Excelsi*. Neque enim vel Davidis exilium sub Saule & Absolone, ejusqve in regium thronum elevatio; vel populi Israelitici ex Ægypto aut Babylone Antiochive Tyrannide liberatio, ullatenus conferri potest, sive mutationem ipsam, sive illud in quo mutatio contigit, consideremus, cum mutatione quam hodiæ dextra Excelsi

effecit; ut non planè à vero aberrarit *Valentia*, qui Psalmum hunc literaliter de Christo explicandum esse, aestimavit.

3. Magna enim omnino & admirabilis mutatio intra triduum facta, à &c in filio Dei, qui dextra Altissimi, ut similis antea contigerit nunquam. Nam præterito *Parasceves* die abundabat *peccatum* atque *injustitia* potens erat, omnemq; suam in Christum potentiam *exserebat*: Hæc enim eum ligavit, hæc flagellavit, hæc condemnavit & crucifixit, hæc eum occidit, *traditus enim & mortuus est propter peccata nostra Rom. IV, 25.* sed *justitia* potentior fuit & superabundavit, ut omnibus exinde appareat, quod liber, quod integer, quod vivus ex sepulchro propter justitiam nostram resurrexit. Agnoscimus ergo hīc merito & dicimus, *hæc mutatio dexteræ Excelsi!* Ante triduum *ira* Dei potens erat, hæc saeviebat contra unigenitum Dei filium ob aliena peccata, ut in horto sanguinem sudaret, & translationem calicis sed frustra peteret, ut in cruce verbis inexplicabilibus, *Deus meus, Deus meus, ut quid me dereliquisti*, ingemiseret: at per passionem & mortem promerita *gratia* potentior fuit; filius siquidem Dei perfectissima sua obedientia usque ad mortem crucis *Phil. II, 8.* patrem placavit, ut omnibus inde appareat, quod sponsor noster liber ex carcere, & quidem summa cùm gloria dimittatur, *λύτεντος enim pro aliorum debitib; plenè solutum exin evidenter constat.* Agnoscimus ergo hīc merito & dicimus *hæc mutatio dexteræ Excelsi!* Nuper *mors* potens erat, & quod inde à nato Christo quæsierat, in effectum demum deduxit, animam enim sanctissimam à purissimo separavit corpore, ita ut inclinato capite spiritum emitteret, videbaturque ita mors victor esse. Sed ecce *vita* potentior fuit, *vita* enim morte sua *morti pestis fuit Hof. XII, 14.* ut hodie apparet, dum ex sepulchro, mortis nempe regia, vivus redit, vivosq; secum plurimos educit. Agnoscimus ergo hīc merito & dicimus. *Hæc mutatio dexteræ Excelsi!* Tum potens erat *Satanas*, Christo ipse dicente hanc esse horam potestatis tenebrarum, *Luc. XXII, 53.* Satanas namque omnes vires in eum dirigebat, virus effundebat, adeoque serpens antiquus calcaneum ejus graviter mordebat. Sed *semen mulieris* contritor serpentis parentior fuit, caput ejus contrivit, *atque per mortem abolevit robur tu negat* *mortis habentem*, hoc est diabolum, *Hebr. II, 14.* ut hodiè apparet, dum ultimas ejus vires, imbellies sepul-

chri



chri custodes, qui cum principe suo ipsum detinere non poterant; redivivus miserè prostravit. Agnoscimus ergo hic merito & dicimus, hæc mutatio dextræ Excelsi! Denique potens ibi *infernus* erat, unde ipse conqueritur *Ps. XIIII, 5. 6.* Torrentes Belial terrebant me, Funes inferni circumdederunt me. Sed rex cælorum potentior fuit, nec enim tunc anima ejus doloribus infernalibus absorpta fuit, sed victor mortuus, hodie ut ex terra motu apparet, triumphum suum per infernum duxit, ejusque claustra penitus dissipavit. Agnoscimus ergo hic merito & dicimus, hæc mutatio dextræ Excelsi.

4. Dextræ Excelsi omnino hæc mutatio adscribenda. Brachium enim Domini juxta *Esa. LIII, 1.* & dextra Domini fecit hanc virtutem *Ps. CXIX.* Non ita ut alias ante extra se fecerat, sed facit hanc in seipsâ mutationem, dum assumtam in unitatem personæ humanitatem, è miseria, passione atque morte erectam redivivam produceit, salvavitq; ita seipsum brachium ejus *Esa. LXIII, 5,* & qui vir dolorum *Esa. LIII, 3.* Benoni in Passione fuerat; jam apparet Benjamin & filius dextræ, declaratus filius Dei in virtute ex resurrectione mortuorum *Rom. I, 4.* Ipsa ergo præsens festivitas nos instigat ut porro agamus de tam mirabili mutatione dextræ Excelsi, nempe.

## RESURRECTIONE CHRISTI.

*Exurgat Deus, & dissipentur inimici ejus, &  
justi letentur atque exultent ad facies Dei,  
& gaudeant in latitia.*

Ἐξῆγετος.

5. Mortuum esse Christum pagani ac inimici ejus credunt, resurrexisse autem Christum, propria fides est Christianorum, ait Hippoensis Præsul *contr. Faustum lib. 16. c. 29.* Atque ita etiam apud Christianos, qui hunc fidei articulum in Symbolo Apostolico agnoscunt, *credo in Jesum Christum, qui tertia die resurrexit à mortuis,* ambigi nequit de doctrinæ hujus dignitate necessitate atque utilitate: illud propter resurgentis Domini Majestatem, cui rediivivo cœlum, sol, terra omnisq; obediens creatura congratulatur: istud

A 3

pro-



propter hæreticorum prævitatem; in nulla enim resic contradicitur Christianæ fidei, quam in resurrectione carnis, Aug. in Ps. 88. hoc propter mei tuique ipsius conditionem: nihil enim ad vitam ritè instituendam, ad motrem placidè obeundam tam efficax esse potest, quam sedula Resurrectionis Christi consideratio atque meditatio.

6. Hanc ipsam ita definimus: *Resurrectio Christi est actus Exaltationis Iesu Christi, quo per eandem cum Patre potentiam, ex se- pulchro eduxit corpus animæ readunitum & glorificatum, ut in opere Mediatoris proficeret nostram salutem.*

## RESURRECTIO CHRISTI.

7. Αὐτοῖς ἡ οὐρανὸς ἡ οὐρανὸς Resurrectio Domini Iesu Christi quod ad literam habetur 1. Pet. I, 3. III, 21. Act. I, 22. IV, 33. Rom. I, 4. Res ipsa in nostra historia invenitur, primumque verbum quod immediatè nostrum Evangelium sequitur est αὐτοῦ ἡ ἡ οὐρανὸς. Dicitur vero ita apud Græcos & Latinos, Germanos etiam ab iterata statione ejus quod cecidet: cumque Salvator noster ipse suam mortem Job. XII, 24. describat, quod granum frumenti in terram cadens, moriatur, utique rectè de eodem, quando idem numero corpus reddit, quod iterum stet atque resurgat, dicitur. In nostro Evangelio vox οὐρανοῦ excitatus est, habetur, quæ etiam in activa forma de Christo usurpatur, Job. II, 19. Usurpatur etiam de hoc Christi actu vox αὐτοῦ; Rom. XIV, 9. Ζωοποίησις Ezech. I, 28. reviviscientia & vivificatio. Siquidem Resurrectio Christi accipitur vel latè, ut istam simul includat, vel strictè, sicque à reviviscientia distincta, sicut dormiens evigilat prius, dein surgit. Dein resurrectio Christi, accipitur vel præcisè, ut est affectio humanitatis ex Exaltatione ad illam resultans; vel plenè cum suo fructu atque fine; sicque est Διπλέλεγμα ad officium Mediatorum pertinens. De plane Emphatica vocis hujus significatione Job. XI, 25. alibi agitur.

## E S T.

8. Negant hoc Judæi simul & Ethnici, atque ita negavit totus mundus, antequam ad Christum converteretur: olim enim totus mundus in Judæos & Ethnicos dividebatur: unde supra Augustinum, *hanc fidem Christianorum propriam esse*, dicentem audivimus. Sed & inter Christianos inventi sunt, qui id negarent, non tantum corde, ut Athœi atque Epicurei: verum etiam quidam ore, quales Cærinthii.

rinthiani olim fuerunt, ut & contra quos *i. Cor. XV.* pugnat Aposto-  
lus, atque de *Christolytis Damascenus* refert, statuisse illos, quod  
Christus humanitatem in inferno reliquerit. Indirectè quoque *Cal-*  
*viniani* nonnulli impugnant, sanguinem Christi, qui pars corporis  
integralis, sub cruce computruisse blasphemantes: quibus affines  
*Pontificii*, tam copiosas sanguinis Christi reliquias hinc inde ostendentes,  
ut si per phlebotomiam uni corpori tantum extrahendum  
foret, illud plane exsangue redderetur: Sic ergo & Christi corpus  
redivivum vel exsangue vel novo sanguine, non illo quo nostra re-  
demtio perfecta, præditum fuisset, quod utrumque absurdum. Con-  
tra omnes, illos resurrectionem Christi impugnantes angelicum hic  
producimus testimonium saepius repetitum: dicit id noster Angelus  
in sepulchro sedens, & à mulieribus cum monumentum ingressæ es-  
sent visus, *Surrexit, non est hic*: ad ocularem inspectionem provo-  
cans, *ecce locus, ubi posuerunt eum.* Dixerat idem prior Angelus a-  
pud *Matthæum*, extra sepulchrum in lapide revoluto qui sedebat, &  
ut mulieres ingredierentur hortabatur. Atque ut in ore duorum  
veritas consisteret, dum ad secundi angeli jussum mulieres oculos ad  
locum ubi positus fuerat dirigunt, vident duos angelos, id ipsum quo-  
que afferentes, *Luc. XXIV.* Testificaturi idem fuissent duo angeli,  
quos Maria *Job. XX.* conspicit, unum ad caput, alterum ad pedes se-  
denter, nisi Christus realis & authenticus suæ resurrectionis testis  
prævenisset. D. Paulus *i. Cor. XV, s. 6.* cum ad unum, plures, omnes,  
nempe Apostolos, & tandem quingentos testes provocaret, præmit-  
tit infallibilem demonstrationem (sicut & angeli ex Christi verbo  
petunt) à Spiritu sancti in Scripturis loquentis testimonio, desum-  
tam. Et subjungit demonstrationem à posteriori, quod alioqui præ-  
dicatio, fides, spes omnisque nostra salus foret peritura.

## ACTUS EXALTATIONIS.

9. Terminus Exinanitionis Mors Christi statuitur *Pbil. II, 8.*  
cujus immediatum consequens & annexum *sepultum.* Resurrectio  
ergo ad Exaltationem pertinet, non quidem ratione termini, qui  
dextra Dei est; sed ratione gradus secundi, in quo victorem mortis  
mundo se redivivum monstravit. Hinc & cum Majestate & gloriæ  
peracta fuit, cuius haut obscura in historia Evangelica indicia. Ex  
ministerio enim angeloram ea effulget, qui hic in stolis candidis ap-  
parent,



parent, ipsiusque resurrectionis præcones existunt. Cum in Monomachia in deserto Sathanam fugasset Matth. IV, ii. angeli ad eum accedentes ministabant ei, quod ipsum radius quidam Majestatis erat in ipsa humilitate effulgentis: at jam bello plenè peracto dum se sistunt, victoriam canunt, resurrexisse clamant, ipsique vacuo sepulchro quasi insultant, non scintillis tantum gloriae, sed plenis ejusdem radiis resplendentibus: utique finitam miseriam, Majestatem vero jam inchoatam demonstrant. Quod ipse eorum habitus ostendit: *adspexit enim erat sicut vulgus*, unde hostium terror & fuga; *& amictus candidus veluti nix*, unde bonorum gaudium atque solarium. Triumphi enim signum & victoriae. Ad eandem quoque gloriam & Majestatem Terræ motus à Matthæo descriptus spectat: *Leo cubile, in quo habitat tremere facit*, ait Isidorus: ita Leo de tribu Juda victor *adspicit terram redivivus & tremere facit* Ps. CIV, 32. Pertinet ad eam itidem penetratio lapidis sepulchralis illæso sigillo; si enim Matthæum audimus, audimus quidem lapidem revolutum esse ab angelo, sed ad resurrectionis jam factæ demonstrationem, surrexisse vero angelus idem ait; atque ita jam ante factum hoc testatur: quo cum pii veteres consentiunt, ipsique nonnulli Calviniani id fatentur, quamvis alii hostes quippe gloriae Christi negent. Ad gloriam denique resurrectionis referenda fuga & terror hostium custodientium, comitatus vicissim sanctorum simul resurgentium. Ex quibus omnibus illud Pauli Rom. I, 4. recte infertur: *Declaratus est filius Dei in virtute, secundum spiritum vivificantem ex resurrectione mortuorum, Jesu Christi Domini nostri.*

ΘΕΑΝΘΡΩΠΟΤ.

io. *Jesum Nazarenum crucifixum surrexisse*, Angelicus concionator hic ait, quem prior ad Matthæum appellavit, *Dominum illic positum & sepultum*: duo vero apud Lucam angeli ad Christi verbum provocant, quando dixit, *quia oportet filium hominis tertia die resurgere*. Unum idemque semper subjectum, Persona nempe, illaque composita, denominatione & descriptione, nunc ab officio, nunc ab humana Natura, ejusque affectionibus educationis scilicet loco, ac præcedente passione & morte, desumta. Actiones enim & passiones personæ conveniunt; cum & humana Natura sine personalitate à Filio Dei communicata nec esse nec quicquam de cā dici possit,

posit. Quatenus ergo *Resurrectio præcisè* consideratur, prout est gradus secundus Exaltationis ( voce illa latius, in sensu tamen Biblico pro reali alicujus doni sublimioris, Exinanitioni oppositi, collatione, accepta, ut non tantum plenarium Majestatis divinæ in Sessione ad dexteram Dei exercitium, sed & gradus liberè electus ad illud fastigium descendendi, priusque victoriam suam in nostrum commodum demonstrandi, significet ) convenit huic personæ secundum illam Naturam, quæ crucifigi & mori, sicque etiam ex miseria verè exaltari & ex morte reduci potuit, quod fortean nullus, nisi & ipsam resurrectionem negat. Quatenus vero eadem plenè cum suo fructu consideratur, quod ex morte viam ad vitam nobis ita *perruptor Mich. II, 13.* præparavit: agit in hoc apotelesmate utraque Natura, juxta proprietatem (& humana quidem non tantum juxta actum naturalem, sed & personalem, ut mox videbimus) cum communicatione alterius. Divina enim Natura humanam non tantum è morte educit, sed & hujus divinæ actionis exercitium humanitati ipsi communicat, ut ita in ipsa persona filii Dei rursus sese excitet, atque ex sepulchro viva redeat: & per hunc gradum elevationis, (cum potuisset alioqui statim post mortem ad Dei dextram considerare) nostri causa electum, salutem nostram ejusque applicationem utraque Natura procurat.

## QUO PER EANDEM CUM PATRE POTENTIAM.

II. *Surrexit*, dicunt angeli, *non est hic*. Resurrectionem quidem asserentes, resuscitantem vero non ita disertè nominantes: ad pleniorum vero Resurrectionis Christi notitiam acquirendam nobis id indagandum erit. Certum est apud omnes, resuscitationem ex mortuis non esse viribus Naturæ vel finitæ potentia assignandum; cum ex totali privatione ad habitum non detur regressus; atque ita tantum divinam & infinitam virtutem, ut creare, ita & resuscitare posse *Rom IV, 17. 2. Cor. I, 9.* Certum etiam est apud vere Christianos, qui Trinitatem adorant, virtutem illam & potentiam esse omnibus tribus personis communem, sicut ipsa essentia divina: cumque etiam ipsius humanitatis Christi resuscitatio, ad opera Trinitatis ad extra pertineat, juxta *Augustini Regulam*, indivisa omnibusque tribus personis communis erit. Quo & referimus illud Pauli *2. Cor.*

B.

XIII, 4.

**XIII.** 4. quando eidem *Virtuti Dei & Christi crucifixi vitam*, & nostram futuram adscribit. Et de Patre quidem nulla est controversia. Scriptura etiam disertè illud asserit, quod Deus patrum suscitavit Iesum Act. V, 30. quod Deus Domini nostri Iesu Christi & Pater gloriae, secundum operationem potentiae virtutis ejus, operatus sit in Christo suscitans illum ex mortuis Eph. I, 17. 20. quod Christus excitatus à mortuis per gloriam Patris Rom. VI, 4. ubi eadem vox ήγέρθη, quæ indefinitè in Evangelio ponitur, ad patrem refertur: non tamen hic, vel ullibi in Scriptura, exclusivè. Certum proinde etiam est apud omnes Apostolici & Nicæni symboli confessores, οὐοσίας Patris & Filii, veramque & æternam Salvatoris Deitatem ex scripturis agnoscentes, Filium Dei assumtam suam humanitatem excitasse: est enim Resurrectio & vita ipsa Joh. XI, 25. est princeps vitae Act. III, 15. vita in ipso erat jam in ipsa creatione mundi Joh. I, 4. vitamq; insemet ipso habet Joh. V, 26. ipse ergo dejectum templum corporis sui excitavit Joh. II, 19. secundum potestatem quam habet animam ponendi & sumendi. Joh. X, 18. Negant hoc Photiniani, quia veram Deitatem Christi negant, at nos qui scimus & credimus verbis Christi: *Ego & pater unum sumus* Joh. X, 30. nempe quoad essentiam & omnipotentiam: qui scimus & credimus verbis Christi quæcumque pater fecerit ~~τάπειρα γένει~~ οὐοὶ ποιεῖ Joh. V, 19. plane non dubitamus. Certuni denique est apud veros Christianos, Augustanæ Confessioni γνωσίως sic dictæ addictos, humanitatem Christi etiamsi secundum vires Naturæ proprias, animam & corpus iterum unire post mortem non potuisset, secundum tamen potentiam actus personalis, gratiæque ex unione communicatæ, seipsum suscitare potuisse, quin & actu suscitasse. Quando enim Salvator ait Joh. X, 18. *ego animam pono à me ipso, potestatem habeo eam ponendi, & potestatem habeo iterum sumendi eam*, inde inferimus: Secundum quam Naturam Christus ponit animam à seipso, juxta potestatem quam habet eam ponendi, secundum eandem etiam habet potestatem eam resumendi. At non tantum secundum divinam, sed etiam humanam Naturam Christus animam, ex potestate eam ponendi, ponit: ac proinde & secundum Eam potestatem resumendi habet. Quod itidem non tantum circumstantiæ illius loci, in quo de officio pastorali agitur, adstruunt: sed & si quis negare auderet, is in gravissimas absurditates incideret; sequeretur enim

enim exinde, Christum secundum humanitatem mortuum non ex voluntate, sed necessitate; quæ ipsa tamen, quia sancta & sine peccati labe, à mortalitate ipsa, nèdum mortis necessitate immunis fuit: ut ita omnino secundum humanitatem potestatem habuerit moriendi; atq; exinde dejuxta ipsius effatum etiā resurgendi. A qua fide *Calvinianos*, gloriae Christi hostes, nos abducere non patimur: In unione fundamentalis communicationis idiomatum divinorum; in voluntate & verbo exercitii eorundem, in ipso etiam Exinanitionis infimo statu, salutis tamen infinitorumque bonorum meritorio, ponentes.

### EX SEPULCHRO EDUXIT CORPUS

#### ANIMÆ READUNITUM.

12. Vir in sepulchrum Elisæi projectus vivus rediens 2. *Reg. XIII,*  
21. 22. surrexisse rectè dicitur, at si ipsius Prophetæ corpus mortuum ex sepulchro eductum fuisset, surrexisse tamen dici non posset. Requiritur ergo ad veram Resurrectionem, *corporis mortui vivificatio* & dein *redivivi erectio*, quod supra simile vigilantis è somno & dein sese erigentis declaravimus. In Christi Resurrectione intermedius actus inter utrumque *Descensus ad inferos* fuit, sine temporis morâ & localitate concipiendus, de quo alibi. In vivificatione Christi inventimus *idem numero corpus*, quod crucis mortem sustinuerat, unde à præterito actu etiamnum *crucifixus* ab angelo dicitur, & Lucas de mulieribus testatur, quod ingressæ corpus Domini Jesu non invenerint; Angelus etiam uterque ad locum vacuum ubi posuerunt Dominum, ocularemque inspectionem provocat, ut omnino corpus mortuum nec in sepulchro fuerit, nec ab ullo ablatum fuerit; qui error Mariæ Magdalenæ fuerat, ab ipso Christo visibiliter refutatus *Job. XX.* Eandem vero animam corpori rursus restitutam, nec novam animam corpus informatum exinde certum est, quod angeli toties testantur, illum Jesum & Dominum, quem mulieres quærebant, resurrexisse; qui alias utique fuisset si novam informantem animam accepisset. Atque ita eodem corpore eademque anima, jam conjunctis iterum, vivus ille ipse est, (*ὅπις αὐτὸς ἐγώ εἰμι* *Luc. XXIV, 39*) qui ante mortuus fuerat: unde angeli *Luc. XXIV, 3.* ζῶντα viventem appellant, & mortuis opponunt, *quid queritis τὸν ζῶντα μή τὸν νεκρόν*, viventem cum mortuis: ut ita de reviviscentia Christi porrò nullum esse possit dubium.

¶ Er potuisset quidem ita redivivus statim vel in  $\pi\delta$  beatorum  
conscendere, sine temporis morâ, & locali motu, sicut ita ad inferos  
descendisse supra monuimus; vel etiam eo ipso momento ad dextram  
Patris considerare, & exercitio divinæ Majestatis plenariè frui, sed fi-  
dei & saluti nostræ conducibilius fuit, ut se se redivivum orbi terra-  
rum sisteret, atque ita ex sepulchro resurgeret. Hinc Angeli *Luc.*  
*XXIV*, 6. in memoriam mulieribus revocant Christi verba, quando  
dixit *dei* oportet tertia die filium hominis resurgere; non ex absoluta  
necessitate, ex quâ, præsuppositâ morte, necesse erat filium hominis  
vivificari; sed juxta ordinem procurandæ nostræ saluti divinitus  
præscriptum atque electum. Ita ergo Resurrectionem in strictissi-  
mâ significatione acceptam hîc consideramus, & ad illam applica-  
mus, quod angelus dicit, *Resurrexit*: Ergo non aliò ab alio transla-  
tum corpus mortuum. *Non est hîc*: E secundum modum corporis  
mortui, (nam secundum illum modum ad ungendum quærebant  
corpus mulieres, & non inveniebant *Luc. XXIV*, 3. hinc tam accura-  
ta linteaminum relictorum descriptio *Job. XX*, 5. 6. 7. 8. instituitur,)  
non est amplius considerandum: omnis verò præsentia ratio hîc  
non neganda, alias nec secundum divinitatem præsens fuisset: & po-  
tuisset sepe per dispensationem visibiliter præsentem sistere, si voluisse-  
set, ut & fecit *Job. XX*, 14. adfuit etiam secundum humanitatem divi-  
nè præsens per modum gratiosum, ex promissione *Matth. XI*/*X*, 20.  
& si vel maximè non adfuissest juxta eam, per modum potentiaæ con-  
servantis & gubernantis, nil decederet universali regimini per ses-  
sionem ad dextram Dei plenariè suscepto; quia Resurrectio tantum  
inter medius ad illam gradus fuit. *Ecce locum, ubi posuerunt eum*:  
E. ex loco ubi mortuus fuerat, secundum illam mortalem & visibi-  
lem rationem, uti positus erat, vivus, vacuo illo relicto, discesit, at-  
que ita verè ex sepulchro surrexit. *Præcedet vos in Galileam*. E. vi-  
vum corpus est, quia movetur; corpus sine Spiritu mortuum *Jac. II*,  
26. & immobile est: corpus mortuum, & sine animâ pedibus ince-  
dere nequit. Cum ingressus esset Spiritus in interfectos, vixerunt  
& steterunt super pedes *Ezech. XXXVII*, 10. *Ibi eum videbitis*: E. nec  
de resurrectione dubitabitis: visibilis enim illa præsentia, quam per  
dispensationem 40. post resurrectionem diebus liberè, prout voluit,  
discipulis, exhibuit, certissimum veri & redivivi corporis testimo-  
niū,

nium, Christo ipso hoc argumento discipulos convincente *Luc. XXIV, 39.* videte manus meas & pedes meos, quia ipse ego sum, palpa-  
te me, & videte: quia spiritus carnem & ossa non habet, sicut me vi-  
detis habentem. *Sicut dixit vobis.* E. hoc certissimè verum est;  
quia aeterni Verbi, ipsius veritatis verbum & planè infallibile, haec  
virtutem verticordiam habet, sensusque aperit, ut illud intelligamus  
& credamus, *Luc. XXIV, 44. 45. 46.* qvod de Resurrectione Christi  
rationi alioqui incredibile & incomprehensibile videtur. Atque  
ex hisce omnibus per legitimam & planè irrefutabilem consequen-  
tiam colligimus: *quod Christus ex sepulchro eduxit corpus animæ re-  
adunitum.*

## ET GLORIFICATUM.

XIV. Quas enim dotes glorificata piorum corpora secundum  
scripturam habebunt, cum *Christi corpori glorioso erunt conformia*  
*Pbil. III, 21.* illas etiam ipsi Christi corpori denegare non possumus;  
sed in eodem, praesupposita & probata jam ejusdem corporis redi-  
vivi substanciali veritate, ut qualitas subjectivè & habitualiter inhæ-  
rentes meritò consideramus. Quæ sunt: 1. *Spiritualitas*, *Resurgit  
enim corpus spirituale I. Cor. XV.* Hujus dotis virtute Christus clau-  
sum sepulchri lapidem, *vid. sup. th. 9.* clausam januam *Joh. XX, 19. 26.*  
penetravit, vestimento & alimento non indiguit; quod vero edisse  
legitur *Luc. XXIV, 43.* non fecit ex necessitate, sed libera voluntate;  
nec ad corporis proprii alimoniam, qua illud nec indigebat, nec ea-  
dem admittiebat: sed ad fidei discipulorum confirmationem. 2. *Im-  
mortalitas*: ante mortem & passionem non mori Christus potuisse,  
quam immortalitatem in statu Innocentiae Protoplasmæ habebant, i-  
pse enim innocens erat; immò in ipsâ passione mori non potuisse nisi  
voluisse; post mortem & resurrectionem mori amplius non po-  
test, quia nec vult. Negant Photiniani id donum in terris Christum  
habuisse, ne etiam nostrorum corporum substantiam cœlestis glo-  
riæ participem fieri posse concedere cogantur; sed quia Christus  
*per mortem καταεγνόησεν destruxit robur mortis habentem Heb. II, 14.*  
*καταεγνήσας destruens mortem, illuminavit vitam οὐ αὐτοῦ οὐαντικανην*  
*II. Tim. I, 10.* quomodo mortalis adhuc & quoad corpus ipse destru-  
endus porrò fuisse? *Christus resurgens ex mortuis non amplius mo-  
ritur Rom. VI, 9.* 3. *Impassibilitas*, videre corruptionem etiam in ipsâ  
morte

morte non potuit, *Acto. I, 27.* at post resurrectionem particularibus etiam alterationibus subjectus porrò non fuit. 4. *Claritas*, quam exseruit Christus, quando in diversorio Emauntico *invisibilis à Pao-*  
*lo factus fuit ut Luc. XXIV, 31.* expressè asseritur. 5. *Potentia, Cru-*  
*cifixus est ex infirmitate, sed vivit ex virtute DEI II. Cor. XIII, 4.* hæc potentia exterruit custodes, & facti sunt velut mortui *Matt. XXIX,*  
4. 6. *Formositas:* & fuit Christus speciosus præ filiis hominum *Ps. XLV,*  
3. sed in passione *despectus* & abjectus inter viros fuit *Ez. LIII, 3.* at re-  
surrexit in gloriâ. Cicatrices retinuit in latere, manibus & pedibus  
*Job. XX, 27.* sine ulla deformitate, ex libera voluntate, ad piorum consolationem, impiorum redargutionem. 7. *Agilitas*, ubi cunque esse voluit, in momento fuit; nunc circa sepulchrum, nunc in viâ Emaunticâ, nunc apud Simonem, nunc in medio discipulorum; & certè si tantum localiter moveri potuisset, nec dum in cœlum Em-  
pyræum Calvinisticum & Jesuiticum pervenisset. Nec verò hisce dotibus obstat, quod angelus incessum & adspectum ei hic tribuit: per œconomiam enim & dispensationem id factum; cum oculi discipulorum incapaces essent ad recipiendum corpus spirituale, ejusq; claritatem plusquam angelicam in sese sustinere non potuissent; i-  
deò ut in fide de ejus resurrectione informarentur & confirmaren-  
tur, dotes hasce & radios claritatis liberrimè, quando & ubi voluit,  
repressit & exhibuit.

## UT IN OPERE MEDIATORIO PERFICERET NOSTRAM SALUTEM.

XV. Resurrectio Christi non tantum passivè consideranda est, ut glorificati corporis & animæ readunitio, prout affectionem huma-  
nitatis esse diximus: sed etiam activè, ut per resurrectionem opus a-  
liquod mediatorum peregit, Ad officium enim ipsius pertinet quo-  
que promeritorum beneficiorum applicatio; atque ad meriti perfe-  
ctionem victoriosum complementum; hoc esse, illa fieri non potu-  
isset, si Christus in morte mansisset. Resurrexit ergò ut JESUS, Sal-  
vator & Redemptor noster; resurrexit propter justificationem nostram  
*Rom. IV, 25.* Si in morte mansisset, satisfactio præstita sufficiens non fuisset, sponsore nostro in carcere retento; si in morte mansisset, peccatum nondum expiatum plenè fuisset, quia stipendium pecca-  
ti mors residuum aliquod haberet: mors nondum absorpta in victo-  
riam

tiam fuisse, quia mortuum divictum retinuisse: Diaboli potestas nondum debellata fuisse, Diabolus enim qui mortis robur habet, potentiam suam per mortem exseruisse. Ira patris nondum placata fuisse, quia poenias adhuc pro peccatis nostris a Christo exigeret. Essemus ergo adhuc sub maledictione, condemnatione, metu gehennæ, alioq; Salvatore indigeremus. At demonstrata resurrectio Christi omnia ista sequuntur, perfectusq; Mediator, Redemptor & Salvator, sponsionis impletione, plenariâ persolutione & suffici- enti applicatione exinde probatis, conspicitur.

ΠΡΑΞΙΣ.

XVI. Faciant dicta *ad summam tuam consolationem*. Omnia terribilium terribilissimum mors est; Conscientia tua id te docente, experientia idem contestante, omnibusque etiam sapientissimis Ethnicorum hoc ipsum asseverantibus; nullum vero certius firmiusque contra mortem, quam Resurrectio mortuorum, morti quippe directè opposita, solatum: at nostra resurrectio ex resurrectione Christi efflorescit, ista in hac fundatur, haec illius immediata, quoad pios, & essentia liter cohærens causa existit. Rationi tamen ea penitus ferme imperviasibilis, quæ difficulter, & non nisi sub fidei obsequiuni captivata admittit, quod manipulus cineris, & quidem in aere & aqua dispersi quandoque, debeat idem numero homo, qui ante fuit, iterum esse: quod ab Anthropophagis (& illis quidem qui per solam humam carnem nutriti a juventute fuerunt, suoq; ex semine similes propagarunt, quibus nihil nisi ab aliis hominibus eorumque essentiâ decerptum communicare potuerunt) devoratus, non in illorum; sed suo proprio, sicut & illi ipsi Anthropophagi, debeat resurgere, quæque alia planè absurdâ rationi videntur. Firmissime nihilominus eadem nostra Resurrectio ex Christi Resurrectione plurimis argumentis ab Apostolo *I. Cor. XV.* probatur. In mortis ergo agone non tuam mortem, sed Christi resurrectionem intuere, & mortis terror omnis abibit. Christus enim qui resurrexit caput tuum est, num vivum caput mortuum habebit membrum? num caput in coelis dominabitur; membrum vero in sepulchri pulvere captivum hærebit, vel planè in nihilum redigetur? num Spiritus capitum in membra diffusus, membrum non vivificabit, sed quod ipsius templum est, in pulvere mortis relinquet? perrupit caput,

mem-

membra sequentur *Mich. II.* ut caput, sic nec membra sepulchralis lapis retinere potest; ut caput instar Jonæ è ceto evasit, sic idem in membris, in quibus caput per fidem habitat, vires suas exferet. *Praecedet vos, E. comites eritis? Videbitis eum, E. cum eo eritis.* Dic ergò ô fidelis anima in omni anxietate: *Scio quod Redemptor meus vivit:* qui dixit verè: *Vivo & vos vivetis, Joh. XIV.*

XVII. Faciant *ad seriam exhortationem*, ut Christo resurgentem nos quoque spiritualiter cum eo resurgamus. Resurgit Christus destrutor inferni, & ut peccatis novam gehennam tibi incendes. Absit hoc longissimè, surge ocyssimè cum Christo hodiè per poenitentiam, ut è sepulchro aliquando surgere queas ad gloriam, Vivus hodiè resurgit Christus, vivat & in te: vivum caput viva requirit membra, mortua refecantur; nec in Christo, sed ex justitiâ in ignominiam excitabuntur. Beatus, qui habet partem in resurrectione primâ. Quid prodesset Christum resurrexisse, si tu secunda morte morereris? quid prodesset resurgentem Christum cœlestia restituisse bona, si in te per fidem non viveret, nec tu bonorum illorum particeps fieres? Surge ergò cito gratiōse, sic vi resurrectionis Christi surges olim gloriōse.

XIX. Faciant denique *ad severam debortationem*, ne propria malitiâ resurrectionem Christi in propriam perniciem vertamus. Ut piis Christi resurrectio gaudium, ita impiis terrorem excitat; sic custodes sepulchri fiunt veluti mortui. Id si efficit minister resurgentis solo adspectu, quid Dominus ipse facere potuisset? Audiant hoc hostes Christi & membrorum ejus: Vivit Christus, & victor omnium hostium vivit: vivum sese aliquando illis monstrabit, quando dicent frustra montibus, cadite super nos. Terra enim, quæ ipso resurgentे tremuit, tunc redeunte ita fugiet, ut locus ei non inveniatur. Desistite ergò ab *Esaia cap. II.* moniti. Tu verò pia anima confide, s̄aviant hostes, rugiat infernalis leo, Tyranni torqueant, enecent. Vivit jo Salvator tuus! & quia Salvator tuus, te quoque vivisabit, resuscitabit, glorificabit.

Amen Fiat!

05 A 1413

**ULB Halle**  
003 781 984

3



1077

DFG





Universitäts- und Landesbibliothek Sachsen-Anhalt


urn:nbn:de:gbv:3:1-608509-p0020-7

DFG

# Farbkarte #13

B.I.G.

Blue Cyan Green Yellow Red Magenta White Black



JESU!

CHRISTI  
CTIONE,

Paschal.

I D E,

LYSERO,  
& P. P.

NDE,

IO ÆGIDIO

NO, Misn.

habebitur

Magno,

1645

ERGÆ,

CKARDI, Acad. Typogr,

86.

P. G.